

La Scola de Fascia se prejeta

Giornèdes de ujes averc e scontrèdes con i genitores per cognoscer la proponetes formatives

La Scola Ladina de Fascia se fêsc cognoscer te val e foravia e per chest la met a jir na lingia de apuntamenc e momenc de informazion e promozion.

Apede a la ativitèdes de orientament portèdes dant coi studenc dai insegnanc referenc, professores Domenico Zanoner per la Scola de Poza, Manuel Riz per Ciampedel e Alessio Degiampietro per Moena, en mercol ai 15 de november da les 20.30 te sala grana de la Sorastanza (Str. G. Soraperra 6 a Poza) vegn

endrezà na scontrèda con i studenc de terza mesèna de duta Fascia e si genitores.

L'é pervedù dapò i apuntamenc de "scola averta" che sarà: en vender prum de dezember, con n workshop di studenc da les 14.00 a les 18.00; en sabeda ai 2 de dezember con l "open day" per genitores e studenc da les 9.00 a les 16.00 ti licees de la Scola Ladina de Fascia, olache i dozenc sarà a la leta per prejentèr i percorsc de studie e per resoner a la domanes e dèr la informazions su la proponetes formatives del Liceo

Artistich (con la doi seziions de Èrt de la fegura e Design) l Liceo Scientific, l Liceo Ladin di Lengac e l projet Ski e Ice College (www.skieicecollegevaldifassa.it). I apuntamenc vegnarà fac ence ai 12 e 13 de dezember e la Sorastanza Mirella Florian, con i referenc professores Domenico Bravi (Liceo Artistich - 0462.763575) e Claudio Valentini (Licees Scientific e di Lengac - 0462.763702) i é a la leta ence per prejentèr la Scola te etres contesc. Autra informazions su www.scuoladifassa.it.